

Ս Է Ր

(Նւէր ***-ին)

ԱԼԵՔՍԱՆԴՐ ԾԱՏՈՒՐԵԱՆԻ

Սիրում եմ ես քեզ, մանուկ գեղեցիկ,
Բայց ոչ տղայական այն անմիտ սիրով,
Որով սիրեցին քեզ շատ պատանիք,
Լոկ գեղեցկութեանդ երկրպագելով:
Գլբաւիչ էիր դու նոցա համար
Իբրեւ մի խօսուն, պճնազարդ տիկնիկ,
Որ ունէր միայն աչեր բոցավառ,
Վարդագոյն շրթունք, սիրուն խոպուկք.
Որի գեղատես, նազելի կրճքին
Ծաղկում էր փարթամ եղեմ փափկութեան,
Եւ որի համբոյրն ամենքի աչքին
Հեշտալից կրքի վայելք էր միայն...
Եւ նոքա քո շուրջ միշտ վիստում էին,
Որպէս խաղալիկ սիրող մանուկներ,
Եւ քո ականջին շրշրնջում էին
Փքուն գովասանք, սիրահաճ խօսքեր...

Սիրում եմ ես քեզ, բայց ոչ այդ սիրով,
Ո՛վ իմ թանկագին, մտերիմ ընկեր,
Սիրում եմ ես քեզ ան զգացմունքով,
Մի վեհ զգացմունք, որ զով, կենսաբեր

Ինչպէս զարնան ցօղ թառամած ծաղկին,
 Յօղում է լքեալ սրաին թարմութիւն.
 Որ ինչպէս զեփիւռ հրատապ շողին,
 Բերում է այրած կրճքին զովութիւն.
 Մի ջերմ զգացմունք, որ պայծառ լուսով
 Փայլում է միայն անկեղծ սրտերում,
 Որ վառ ըղձերով, ոսկեշող յուսով
 Մեզ կեանք է տալիս և ոգևորում:
 Դու սիրելի ես, փափկասուն էակ,
 Որպէս անսպառ աղբիւր երգերիս,
 Որպէս իմ բարի, սփոփիչ հրեշտակ,
 Որպէս արձագանք լաց ու ծիծաղիս:

Սիրում եմ ես քեզ, սիրում ջերմագին,
 Ինչպէս անդրանիկ մի ծաղիկ զարնան,
 Որ աւետում ես իմ տխուր կեանքին
 Նորից ծաղկավառ օրեր խնդութեան.
 Որ իբրև շքեղ, դալար մի օազ,
 Ժպտում ես դու իմ անսպառ կեանքում,
 Որ իբրև թովիչ, գողտրիկ մի երազ,
 Յնորքի հուր ես վառում իմ կրճքում:
 Սիրում եմ ես քեզ, քո քնքոյշ հողին,
 Եւ այն կանացի գորովն ու գլւանք,
 Որ զանձի նման, ջերմ կրճքիդ տակին,
 Պահած են իբրև հոգոյդ զարդարանք.
 Որ լցած խնամքի բուռն զգացմունքով՝
 Պատրաստ ես դու միշտ խղճուկ, անպաշտպան
 Թշառի համար անկեղծ արցունքով
 Ե՛ւ լալ, և՛ սիրով փայփայել նորան...

Սիրում եմ ես քեզ, ո՛վ հոգոյս հատոր,
 Անհուն, անսահման, ճշմարիտ սիրով.
 Մի սէր, որ չէ միշտ անհոգ, բախտաւոր,
 Որ միշտ չէ յուզւում այրող կրքերով...

Սէր, որ սիրողին անոյշ վարդի հետ
 Բերում է և՛ փուշ ծանրի հոգսերի,
 Սէր, որ չը գիտէ կեանք երանաւէտ՝
 Առանց տանջանքի, առանց վշտերի.
 Եւ այդ բազմահոգ, վշտառատ կեանքում
 Միշտ քնջ, անվհատ տանջւելու համար
 Սիրում եմ ես քեզ. կեանքի փոթորկում
 Սէրն է եռանդի աղբիւր անսպառ:
 Սիրում եմ ես քեզ, չքնաղ արարած,
 Սիրավառ սրտով խաչքս կրելու.
 Սիրում եմ ես քեզ—միշտ ոգևորած՝
 Կեանքում ապրելու, կեանքը օրհնելու...

Մոսկա, 13 լոճնարի 1893 թ.